

**Umno Gugur Keahlian Datin Juliana**  
**mStar Online**  
**Ogos 20, 2011**

**KUALA LUMPUR:** Umno pada Jumaat menggugurkan keahlian Datin Juliana Awang Tambi yang bertanding atas tiket Parti Cinta Malaysia (PCM) pada pilihan raya negeri Sarawak 16 April lalu, berkuatkuasa serta merta.

Presiden Umno, Datuk Seri Najib Tun Razak berkata, penguguran itu dibuat berdasarkan fasal 20.1 perlembagaan parti yang menyatakan mana-mana ahli Umno yang bertanding di dalam pilihan raya sebagai calon bebas atau parti lawan akan digugurkan keahliannya dan tidak boleh diterima sebagai ahli selama-lamanya.

"Jadi berdasarkan peruntukan ini maka keahliannya digugur serta merta," katanya dalam sidang media selepas mempengerusikan Mesyuarat Majlis Tertinggi Umno di Menara Dato Onn, Pusat Dagangan Dunia Putra (PWTC) di sini.

Juliana yang merupakan ahli Umno Bahagian Selayang kalah dalam pertandingan empat penjuru di kawasan Dewan Undangan Negeri Bekenu pada pilihan raya negeri Sarawak dengan hanya memperoleh 284 undi.

Hakcipta Terpelihara © 1995-2011 Star Publications (Malaysia) Bhd

Source: [http://mstar.com.my/berita/cerita.asp?file=/2011/8/20/mstar\\_berita/20110819221159&sec=mstar\\_berita](http://mstar.com.my/berita/cerita.asp?file=/2011/8/20/mstar_berita/20110819221159&sec=mstar_berita)